

中國方志叢書·東北地方·第二九號


據

民國·梁岩修，何士舉纂
民國十九年鉛印本

影印

黑龍江省

依安縣志



成文出版社有限公司印行



10094077

中華民國六十三年 月壹一版

依安縣志

全冊

發行人：黃 成 助

出版者：成文出版社有限公司

台北市郵政信箱二二六〇五號

台北市郵政信箱二二六〇五號

台北市羅斯福路三段240巷5號

電話：三四〇一三二號

印刷者：成文出版社有限公司

內政部登記證內版台業字第一一四七號

依安縣志

依安縣長萬錫璋題

編輯依安縣志序

民國十八年夏六月 岩奉命署篆依安縣治東半段土地係由拜泉畫撥而來 岩又籍隸拜泉是依安實爲 岩之故鄉也溯自留學津門暨追隨張總司令凡十有三年吾鄉之行政司法蓋已聞之於矣茲者 長孺 邦亟思力圖刷新痛除積弊以行吾素志也惟依安草昧初開百端待理 岩視事後首先添建監獄未幾 告成此外若請立郵電兩局籌款建築橋梁暨修理全縣汽車路附設罪犯習藝所諸大端均撥次第舉辦 心餘力絀未敢委蛇所幸鄉賢達暨諸執事愛我者之有以助我耳姜君渭賢予友也自河北來貫襄行政 每以縣志闕如頗感不便迺提議編纂 岩深韙之蓋方志者非惟文獻之寄抑亦民之榮辱繫焉於是釐訂 志目附列預算呈請

省府暨民財兩廳旋奉

令照准遂於十八年十一月一日正式成立縣志編纂會 岩兼會長並分別聘請委任編纂採訪各員積極 進行限期成事時姜君因患寒疾遽返故鄉欲來未果然於採訪及編輯事宜亟爲注意復屢函應請查各 事條分縷析詳切寄示 岩感其意力請擔任總編輯一月以來徵集資料凡夥方謂循例編纂事觀 盛舉也乃於一月一日奉

省府令調 岩署理瑯環縣長瑯環山水鍾峙雖較他邑爲優然念茲不朽事業未底於成區區之心爲悵惘 者久之雖然我將去矣安知後之來守斯土者其於地方興革事宜不更有以促進而擴張之也則是則深 有望於繼其事者矣臨別拳拳欲言不盡因述願末藉誌梗概云爾是爲序

中華民國十九年一月二十日

署理依安縣長梁岩撰

依安縣志序

依安土地原係依克明安旗故地命名之義蓋取諸此自民國十三年設治十八年改縣由設治而改縣相隔不過數年人民均係隣近各縣或奉吉直魯移來民非土著之民縣爲初設之縣欲考典籍則文獻無從詢及父老則語言不詳編纂縣志着手頗感困難然此志不修一縣之事將更無所稽考前縣長梁公山石提倡創修依安縣志用意誠善予於民國十九年一月奉

命來守斯土梁公山石以依安縣志編纂未竟囑爲繼續編纂並以調查底稿循例移交當經督同編輯採訪各員就原稿詳加較核應刪者刪之或原稿所無者另行調查而加入之分門別類草率成篇行將付梓故於篇首略記數言以誌其崖略是爲序

中華民國十九年四月 旬

昌黎萬錫璋撰

序

夫縣之有志猶國之有史也內地省分縣各有志舉凡一縣內之土地戶口人情風俗山脉河流古跡名勝以及忠孝節義有關風化文人學士所留藝文無不彙集人志即未身歷其境者對於一縣之事亦可一覽無餘迨年遠代沿事物變遷又必重加修輯以期詳盡縣志一書誠所必須也庚午之春奉隨縣長萬公榮九來依佐理政務適前縣長梁公山石編纂縣志未及脫稿卸事縣長萬公繼續辦理命琴擔任編輯辭不獲已爰與諸同事徵輯材料着手編訂惟因依安開闢最晚已往事跡又無參考僅就設治後一切設施撮要記載此亦事實上無可如何耳行將付梓謹誌數言以爲序

中華民國十九年 四 月 上 旬

鹿泉何士舉擢賢氏識

竹
三
身
一
可

依安縣長萬錫璋監定

劉贊卿

萬漢清

編輯 何士舉

宗培

張樹杞

樂玉珠

許學運

胡庭桂

張福鏞

王馥桂

採訪 高丕東

曾廣祝

李學深

崔國藩

吳炳章

牛
德
厚

劉家駒
牛德厚

依安縣志目錄

輿地 縣圖 疆域 位置 氣候 河流 交通（縣道汽車路橋梁郵便電報電話）

建置 縣治沿革 城池 縣政府 監獄 教育局 建設局 財政局 農會 商會 商鎮 百雜市 牲畜市場

戶口 區村甲井附

田賦 土地 租賦 契稅 地方歲入（附捐糧捐商捐橋捐） 地方歲出 附區村地畝表

職官

選舉 國民代表會議議員 省議員 待徵員

學校

警團 警察沿革 警士額數 警區界劃 配駐區域警額 冬防隊 保衛團 附載

人物 忠義 鄉耆

寺墓 祠宇 公墓

風俗 婚姻 喪葬 居處 衣食

物產

輿地附縣圖

疆域

依安境界東西廣約一百里南北袤約一百二十里全境面積一萬二千方里由縣城起東至拜泉縣界四十里至拜泉縣治一百二十里南至明水縣界四十里至明水縣治一百里西南至林甸縣界六十里至林甸縣治九十里西至富裕縣界七十里至富裕縣治一百二十里北至克山縣界八十里至克山縣治一百四十里南面邊界自元字六牌起迤西至墾牧公司地段止南爲明水北爲依安自墾牧公司西北斜行經過實業研究會地段至戚桂升東店屯止西南爲林甸東北爲依安由戚桂升東店屯傾斜北行過東北屯歷二牌八井至四牌十井地段西爲富裕東爲依安正北邊界自四牌十井起沿烏裕爾河南岸東至貞字五甲止河北爲克山界河南爲依安界東面邊界自貞字五甲起南行經貞字一二三四五牌利字一二三四五牌至亨字一二三四五牌至元字六牌止東爲拜泉界西爲依安縣疆界之大略也

位置

依安地居省城略偏東北距省二百四十里南起北緯四十七度北至北緯四十九度五十二分止經度以北京子午綫爲標準東自東經八度四十三分起西至東經九度十八分止晝夜長短比較內地各省略有不同夏至日出時四點日入時九點冬至日出時七點四十分日入時四點十分

氣候

依安氣候較內地各省迥異一年之中寒期居其大半約十二個月中暖期不過五個月每年春季多風且大

河流

依安縣境地勢平坦並無高山大川僅有烏裕爾雙陽兩河出入境內從未疏濬無水利之可言每至陰雨連綿河水汎濫常患水災茲就烏裕爾雙陽兩河流略爲記述

烏裕爾河發源於小興安嶺之烏裕爾山西南流經二克山達拜泉縣境西行至蒙佃四井入依安與克山縣之太安鎮爲天然之邊界再西至蒙佃八井計長六十里曲折南行十餘里至依字民佃九井出境經富裕而入九道溝子即灰泊河

雙陽河有二源南源在拜泉利字三甲西行至依安利字一牌十九井東首入境北源自依安利字二牌二十一井發源即白花泉子南流至利字一牌二十井與南源河流滙合再西南繞縣城五十餘里出境經林甸縣城南再西經安達北境之城溝而向西北流入灰泊河此二水亟應設法疏濬以免水患

交通

縣道

依安縣道計分五條

由縣城東行十餘里至利字一牌二十一井折而東北行二十里至雙陽鎮分二線其一由雙陽鎮東行數里至利字二牌二十井至拜泉界此爲依安至拜泉之大路計自依安縣城至拜泉縣城凡一百二十里其一由雙陽鎮北行四十餘里過寶泉鎮折而西行二十里至高百川屯再北行十餘里過烏裕爾河至克山之泰安鎮爲依安至克山之大路計自依安縣城至克山縣城凡一百八十里

由縣城南行十餘里過雙陽河再南行二十餘里過墾牧公司地段至明水界爲依安至明水之大路計自

依安縣城至明水縣城凡一百里由縣城西行十餘里經胡局長窩堡再西南行十餘里至戚桂升店東屯以達林甸界此爲依安至林甸之大路計自依安縣城至林甸縣城凡九十里由縣城北行十餘里至梁家店屯再折而西北行六十里過三興鎮再西北行三十餘里至依字民佃四牌十井以達富裕界此爲依安至富裕之大路計自依安縣城至富裕縣城凡一百二十里

汽車路

依安汽車路計分三條

由縣城東行經雙陽鎮以達拜泉縣城計長凡一百二十里

由縣城西南行經林甸縣城以達中東路小蒿子車站計長凡一百八十里由縣城西北行經富裕縣屬之郭家店以達省城計長凡二百四十里此外由依安縣城至克山縣屬之太安鎮計長凡九十里惟冬日車可通行至春暖解凍以後因爲裕爾河之隔車即不能通過烏裕爾河橋梁正在籌畫建築中

橋梁

依安通寶泉雙陽太安各鎮以及通明水之路雖有幹路可循每遇淫雨連綿行旅多感困難應建設橋梁以利交通業經呈請

財政廳令准由糧捐附加五厘以收足六萬元爲止作爲建築各路橋梁之用茲將各路應設橋梁地點臚列於後

一由依安北行達克山之太安鎮應在依字蒙佃五井北首建築烏裕爾河橋梁一處

一由依安東行經雙陽鎮至拜泉之路應在字一牌二十二井及三牌二十一井各處建築橋梁一處

處

一由依安南行達明水之路綫經南城溝（即雙陽河）應在許子鈞窩堡以南周家屯以北建築橋梁一處以上三處橋梁急待建築刻正在籌畫中

一由依安至寶泉鎮之路應在寶泉鎮南門外五里建築橋梁一處業派建設局長張福鑄前往查勘估計工程約需五百元業經呈請

財政廳令准不日動工

郵局

依安地非繁衝設治六年向無郵政以前僅有郵寄代辦所一處由商號代辦所有函件由過往郵差傳遞縣城各機關文件因郵寄遲滯且多遺誤遂改由汽車代遞然亦多感不便十八年夏經縣一再呈請始於九月間添設三等郵局路綫仍由林甸小蒿子昂昂溪以達省城由省城來往文件往往遲至十餘日始達依安業經函請郵局凡依安遞省文件擬由汽車直接遞省一日可到現正在交涉中

電報 電話

依安地方尙未發達而電報電話各局迄未設立遇有緊要事務消息遲滯官商頗感不靈刻擬先將電話設立由拜泉電話局接綫至依安約需洋壹萬元業經呈請建設廳令准電報亦尙在籌畫中

建置

縣治沿革

依安縣城舊名龍泉鎮原屬林甸縣民國四年經于文波創立墾牧公司出放屯基民國八年經林甸縣伊知事將于文波屯基全行收回改放鎮基至十二年由地方紳董樂玉珠于天祥許鴻運馮德海李治臣彭金山傅金有姜文翰等呈請設治經 吳省長照准並東由拜泉縣劃撥元亨利貞四字地段共十六甲西南由林甸縣劃撥附郭段十二井西北由龍江縣劃撥泰安鎮依字蒙佃夾荒及龍水泉于富裕屯太平川小榆樹屯農林屯戚桂升屯振富屯等為龍江七段委郁春馥為設治員當時將全縣劃為四區縣城為第一區雙陽鎮為第二區三興鎮為第三區泰安鎮為第四區嗣以商民日繁遂於民國十八年一月間改設縣治至十八年七月富裕設治局成立又將龍江七段劃歸富裕設治局十八年十月奉令泰安鎮劃歸克山縣現在只餘三區

城池

依安縣城壕於民國十三年四月間經郁前設治員修築計東西南北四面每面各長三里三壕寬七尺深一丈二尺

縣政府

依安縣政府於民國十三年四月間經郁前設治員建築地址南北長二十五丈東西寬二十丈位置在城內東北二道街路北計正房三層每層五間共十五間第一層為大門東為傳達室取發處西為守衛室二層為大堂西為司法科東為縣長辦公室第三層為縣長內宅二門以內東西兩面各五間東廳為第一

科及財政局西廂第一科及鄉清局縣政府西院爲監獄計正房兩層南正房五間爲監獄及看守所北第正房五間爲管獄員及衛兵室院內廂房五間以備罪犯習藝之用縣政府東院正房七間卽縣政府法庭

監獄

依安司法尙未獨立管獄員爲縣長兼任設看守所長一人守兵四名在監男女人犯約五十名未置司法警察監獄事務由守衛隊協助

教育局

教育局由勸學所改組而成民國十三年一月依安成立勸學所所長爲于興章舊址在城內西南計正房九間係租自于興章者十四年九月改組教育局于局長興章以局址久賃非計十七年春在縣政府東北教育局公地內建築正房五間是爲現時教育局

建設局

建設局由實業局改組實業局於民國十六年十月成立地址在南門裏路東租賃民房三間改組建設局後地址仍舊內分第一第二兩股

農會

民國十三年經都設治員招集公民組織農會以期改良農業會所在西大街路南同時票選欒玉珠爲正會長張福鑄爲副會長嗣後迭經改選正會長均舉欒玉珠連任副會長爲許歸運此外雙陽寶泉三興各鎮均各設有分農會雙陽鎮分農會會長劉鳳仙副會長劉雲五寶泉鎮分農會會長王鳳崗副會長李秀三興鎮分農會會長王國化副會長邱峻峰

商會

民國十四年成立商會選舉會董二十一名正會長田秀山副會長苗景新十六年改選正會長張獻瑞副會長陳省三十八年改選正會長常筱山副會長田秀山此外雙陽寶泉三興各鎮亦各設有商務分會雙陽商務分會正會長王馥桂副會長崔子岐寶泉商務分會正會長楊欽卿副會長胡凌閣三興商務分會正會長曾廣祝副會長孫翔久

商鎮

縣城舊名龍泉鎮公安局及公安第一區分局在焉有依安徽收局分卡一處現有商業燒鍋一雜貨行二十二糧棧五錢莊五油坊一汽車公司二藥肆四飯館五旅館五澡塘一木舖五理髮所五

雙陽鎮以雙陽河命名距城三十五里依安徽收局即設於此並設有公安二分局及徵收大租分權現有商業燒鍋一糧棧三十錢莊六油坊十雜貨行十旅店三藥肆三木舖八

三興鎮原名東安鎮又名馬局長街基距城六十里設有公安三分局及徵收大租分權各一處前經匪亂商民遷徙一空匪平後重立鎮基改名三興鎮現有商業糧棧十錢莊三雜貨行八旅店二藥肆三木舖三寶泉鎮於民國二年經紳民李秀招戶開墾創設鎮基俗呼爲李秀街基至民國五年商民日漸稠密經該紳等請設鎮集以東南隅有天然水泉一眼墾戶初時無力鑿井均取水於該泉汲之不潔用之不竭遂取名爲寶泉鎮設有公安分所一處隸屬雙陽鎮公安分局又設有依安徽收分卡一處現有商業糧棧十錢莊三雜貨行八旅店三藥肆三木舖八

百雜市

百雜市場初設治時經郁設治員將縣城內西南角空場留出公地一大方東西南北各五十丈作為百雜市場因地方尚未發達未能興修近來人煙輻輳日漸繁盛業經建築房舍以期振興市面妓館十餘家即設於此戲園亦正籌劃開辦

牲畜市場

牲畜市場於民國十八年六月奉 財政廳令設立經梁前縣長岩會同徵收局長馬君鵬舉擇定城內西二道街廣場計地址五十丈作為牲畜市場以期人民交易便利

戶口

依安共分三區第一區共一千二百二十三戶男丁計三千五百八十二名女子二千八百二十五口第二區共四千四百一十二戶男丁計一萬七千六百六十名女子一萬三千二百九十口第三區共二千零三十三戶男丁一萬零七百九十三名女子六千六百九十二口內有佛教七名道教四名回教四十三名統計全境七千六百六十八戶計男丁三萬二千零三十五名女子二萬二千八百零七口

依安全境現劃分三區第一區縣境西南公安局及分局在縣城即龍泉鎮原屬六大屯因歷年增加今已成三十四屯第二區縣境東半公安局在雙陽鎮計轄雙陽寶泉二鎮四大社十六甲五十六井第三區縣境北半公安局在三興鎮計轄三興一鎮六大屯五甲四十五井(屯甲井名稱數詳田賦屯甲表)

田賦

土地

依安全境毛荒約計三十六萬餘畝除溝窪城甸不計外統計已放荒地二十五萬八千九百餘畝截至十

九年春開墾成熟者十一萬餘响未開者尚有十三萬餘响其詳載井屯表

租賦

本省各縣地租等則分爲上中下三等依安地畝無上則茲就十八年度中下則租賦分晰列後

一省界中則地四萬六千七百响每响正租大洋五角附加軍費大洋五角三費二分經徵費一分五厘

六毫每年計徵大洋二萬三千三百五十元

一省界下則地二萬三千三百八十响每响徵租大洋三角附加軍費大洋二角三費一分經徵費九厘

三毫每年計徵大洋七千零一十四元

一省蒙中則地四萬三千六百响每响劈收大洋一角八分一厘八毫每年計徵大洋七千九百二十六

元四角八分

以上地租全年共收大洋三萬八千二百九十餘元

契稅

契稅有買契典契兩種買契按原價一元徵稅六分附加軍費四分典契按原價一元徵稅三分附加軍費二分

契紙費每張收大洋五角

證記費按買賣分劈註冊以筆計算每筆收大洋五角

以上契稅契紙登記等費收入無定就十八年度計共收入大洋四萬五千元

印花稅全年約收大洋一千餘元

車牌捐全年約收大洋六千餘元

前項收入無定額就十八年度計共收入大洋七千餘元

地方歲入

依安警學實業自治保甲山林水上游擊等經費向均取給於地畝按响徵收分別報解留用此外收入尙有出境糧捐買賣糧捐按警六學四分劈不作別用

响捐

就十八年度預算升科地九萬响計算

學費每响徵收大洋九分全年計收大洋七千六百九十五元

義務教育費每响徵收大洋三分全年計收大洋一千七百十元

自治費每响徵收大洋三分全年計收大洋二千五百六十五元

警費每响徵收大洋一角五分全年計收大洋一萬二千八百二十五元

實業費每响徵收大洋六分全年計收大洋五千一百三十元

保甲費每响徵收大洋四角全年計收大洋三萬四千二百元

山林游擊隊費每响徵收大洋七分八厘全年計收大洋七千零二十元

水上游擊隊費每响徵收大洋五分二厘全年計收大洋四千六百八十元

以上全年收入大洋七萬五千八百二十五元除山林游擊保甲各費按月分別報解外其自治警學教育實業等費均爲地方入款以作警學實業各項額支之用

糧捐

依安糧捐有出境買賣兩種由依安徵收局代徵出境糧捐每石收大洋一分買賣糧捐按原價一元收大洋二分全年約收大洋二萬二千五百三十四元

商捐

依安商捐亦由徵收局代徵按各商賣貨原價大洋一元徵收五厘全年約收大洋四千四百六十五元


(此款全數撥充警費)

橋捐

依安近漸繁盛而全境橋梁公路尙未興修交通頗感困難於民國十八年冬呈奉 省政府令准隨糧捐加收五厘備修橋梁公路專款以收足大洋六萬元爲止已於十九年一月開始徵收

地方歲出

公安局經常費每月大洋二千九百零七元服裝費大洋三千六百元獎賞費年支大洋一百三十元
年支大洋一百六十元醫藥費年支大洋六十元修械費年支大洋六十元修繕費年支大洋二百六十元
戶口冊結費年支大洋二百六十元警官傳習學員學膳費年支大洋一百五十元全年計共支出大洋三萬九千五百餘元此外冬防隊經費每月支出大洋八百五十元以五個月計算年支大洋四千二百六十元
由警費餘款項下開支教育局經費全年支出大洋二萬四千四百二十七元此項經費包有縣立初高
各校由糧捐四成响捐全數義務教育費二成內開支其不足之數則由學餘項下補助此外如師範講習
所經費每月支出大洋五百五十四元又津貼學生操衣費年支大洋二百四十元
大洋六千八百八十八元留平學生津貼二名每名津貼大洋一百五十元年支大洋三百元係由學餘項



下開支

建設局經常費全年支出大洋二千四百五十元
增加植樹費年需大洋約六百餘元
共計全年支出約三千餘元

職官

依安自民國十三年設治十八年改縣警察教育各局亦相繼次第成立茲將歷屆職員略歷及任事之前後依次列載於左

郁春馥字蘭階黑龍江省拜泉縣人前清文童歷任東北木稅總局文案委員縣知事任用黑龍江省議會議員十三年一月任命依安設治員十七年三月卸任

池景濤字伯敷江蘇上海縣人歷充營口縣署科長瀋陽縣華洋訴訟文牘承審員兼行政科長黑龍江森林局股長民政廳第一科機要主任索倫設治員兼索倫警察所長鎮威第六方面軍團部中校軍法官黑龍江省長公署政務廳科員海倫縣禁烟局長甘南設治員兼捲烟吸戶捐甘南分處長等差民國十七年三月署理依安設治員是年九月交卸

任國英字華亭遼寧法庫縣人兩級師範學校畢業歷充遼寧輯安縣公署第一科科員第二科科長西豐縣公署第一科科長義縣公署第二科科長遼寧兵工廠材料處庶務科科長陸軍三四方面軍團部砲兵上校等差民國十七年九月署理依安設治員是年依安改設縣治奉令改署縣長十八年一月卸任

馬元良字山甫遼寧省海城縣人歷充中東路護路軍總司令部書記官哈滿司令部軍法官蘭西縣署科長承審員鎮威第八軍軍部少校秘書軍需處三等軍需正黑龍江保安司令部國防籌備處軍需官中校科長等差民國十八年一月署理依安縣長是年六月交卸

梁岩字山石江省拜泉縣人歷充鎮威軍第三四方面軍團部各級秘書及東北邊防軍司令官公署機要秘書兼東北政務委員會秘書東北邊防軍駐江副司令官公署軍法官齊克鐵路地帶警備二省電

政監督處調查員等差民國十八年六月署理依安縣長十九年一月卸任

萬錫璋字榮九河北昌黎縣人師範科舉人北京大學文科畢業得稱文學士民國三年第一屆考取縣知事歷充察哈爾都統署軍法課課長警務處第二科科長兼察哈爾警察廳行政科科長察哈爾陶林興利沽源寶昌等縣知事黑龍江雅魯縣長東北邊防軍駐江副司令官公署軍法官官等差民國十九年一月調署依安縣長

依安自民國十三年一月設治所有民刑事事件即由設治員兼辦自十七年冬始設有承審員茲將歷任承審員姓名籍貫按到任之先後列左

劉贊先字毅士遼寧梨樹縣人民國十七年十一月到任十八年八月交卸

鄭景立字香圃遼寧瀋陽縣人民國十八年八月到任十九年五月交卸

宗培字紹光河北撫寧縣人民國十九年五月到任

依安自設治以來警察所亦即成立惟所長由設治員兼任自十五年冬始設所長後改公安局長茲將歷任公安局長姓名籍貫按到任先後列左

胡慶恩字善廷黑龍江呼蘭縣人民國十五年十二月到任十七年九月交卸

張海嵐字曉峰黑龍江綏化縣人民國十七年九月到任十九年一月交卸

莫安廷字靖鋒黑龍江呼蘭縣人民國十九年一月到任

教育局長

于興章字憲斌遼寧復縣人民國十三年一月到任十七年交卸

胡庭桂字芳五黑龍江依安縣人民國十七年六月到任

建設局長

張福鑄字子餘黑龍江依安縣人民國十六年十月到任

財政局長

王瑞麟字輯五依安縣人民國十九年八月到任

選舉

依安設治之初地方自治卽已停辦無議董叅事各會之設置茲就省會國府前後徵舉者略爲輯人

國民代表會議議員

民國十四年七月奉 令選舉國民代表會議議員吳文炳爲初選當選人許鴻運爲初選候補當選人

省議員

民國十五年十一月奉 令選舉第五屆省議員曾介三于清晨于興章郝曉岑胡庭桂李貴寬高丕東等爲初選當選人復選與林甸合併惟郁蔭田一人爲復選當選人

待徵員

民國十八六月 民國政府頒布各省縣舉士條例由 民政廳轉令到縣甄舉一人至三人依安舉定許
歸運一人經由 民政廳轉

省政府彙報 行政院核轉 國民政府備案名曰待徵員

學校

縣立第一初高兩級學校

設治之初即在城內西南二道街創設初級小學一處計一級學童三十餘名至十五年添設高級一級學童三十餘名是爲縣立第一初高兩級學校校舍計正房七間廂房五間正房爲初高兩級講室廂房爲教職員及飯廳

縣立第一初級女學校

民國十五年創立初級女學校一處計學生一級三十餘名租賃民房五間權作校舍

縣立第二初高兩級學校

縣立第二初高兩級學校有雙陽鎮北大街校舍二十間高級二級初級三級學童百餘名

縣立第二初級女學校

縣立第二初級女學校在雙陽鎮西大街校舍五間學童二級共五十餘名

縣立第三初高兩級學校

縣立第三初高兩級學校在寶泉鎮西大街校舍十三間初級二級學童三十餘名高級二級學童三十餘名

縣立第三女子初高兩級學校

縣立第三女子初高兩級學校在寶泉鎮東北街校舍三間學童一十餘名

縣立第四初級學校

縣立第四初級學校在二興鎮校舍五間學童一級三十餘名

師範講習所

師範講習所附屬於縣立第一初高兩級學校院內民國十八年三月創立學生一級計四十名

通俗教育講演社

依安自設治以來遷入墾戶多以耕種爲業識字者甚少經教育局長于興章呈請設立通俗教育講演社
一處民國十六年五月奉 令照准成立地址在縣城西大街暫租民房二間講演員王紹周專司講演事
宜並於社內附設閱報處任人閱覽

警團

警察沿革

依安自十二年設治後警察所亦即成立所長一職由設治員兼任全縣計分爲三區二分駐所第一區駐
縣城一區一分所駐永安鎮二區駐雙陽鎮三區駐東安鎮三區一分所駐高家燒鍋計所內設股員二員
書記二名稽查一名傳達一名夫役二名守衛隊長一員馬巡長一名馬警九名步巡長一名步警九名歸
設治局服務第一區設區官一員巡記兼戶籍一名步巡長一名步警十二名一區一分所設巡官一員巡
記一名馬巡長一名馬警七名第二區設區官一員巡記兼戶籍一名馬巡長一名馬警十二名第三區設
區官一員巡記兼戶籍一名馬巡長一名馬警九名三區一分所設巡官一員巡記一名馬巡長一名馬警
五名厥後墾戶日增轄境愈廣十五年十二月奉 令收組警察始設專所初任所長胡慶思全縣仍分三
區三分駐所第一區駐縣城第二區駐雙陽鎮第三區駐三興鎮（即東安鎮）一區一分所駐永安鎮二區
一分所駐寶泉鎮三區一分所駐高家燒鍋所內設股員二員戶籍一員稽查一員書記三名傳達一名夫
役二名守衛隊長一員馬巡長一名馬警九名一區設區官一員巡官一員巡記兼戶籍一名步巡長五名

步警二十四名一區一分所設巡官一員巡記兼戶籍一名馬巡長一名馬警七名二區設巡官一員巡記兼戶籍一名馬巡長一名馬警十二名二區一分所設巡官一員巡記兼戶籍一名馬巡長一名馬警九名三區設區官一員巡記兼戶籍一名馬巡長一名馬警九名三區一分所設巡官一員巡記兼戶籍一名馬巡長一名馬警五名十七年九月警察所長由張海嵐接充全縣仍分三區並設警察一隊七分駐所警區駐在地同前一區設分所三處駐縣城東南北三門第 四區駐西門二區一分所駐寶泉鎮二分所駐焦家窪三區一分所駐高家燒鍋二分所駐龍安堡所內設股員三人會計兼庶務一員書記長一員戶籍一員書記四名稽查三名傳達一名夫役四名守衛隊長一員巡記一名馬警九名步巡長一名步警九名警察隊長一員巡記一名馬巡長二名馬警二十四名一區設區官一員巡記兼戶籍一名步巡長一名步警八名一區一分所設巡官一員步巡長一名步警五名一區二分所設巡官一員步巡長一名步警五名二區設區官一員巡記兼戶籍一名馬巡長一名馬警十名二區一分所設巡官一員馬巡長一名馬警七名二區二分所設巡官一員馬巡長一名馬警五名三區設區官一員巡籍兼戶記一名馬巡長一名馬警八名三區一分所設巡官一員馬巡長一名馬警五名三區二分所設巡官一員馬巡長一名馬警五名十八年十二月奉 令改組爲公安局並將各區改稱公安分局十九年一月莫安廷接充局長奉 警務處令增加步警四十名馬警十名並將馬警編成騎兵中隊設中隊長一員分隊長二員書記一名班長六名一等警十四名二等警十八名夫役四名此外消防兼衛生隊官警共十一員名

警士額數

民國十四年統計全縣警察僅有官警三十六名嗣因墾戶漸多事務較繁至十六年官警增至一百零六

名十七年官警增至一百二十四名十八年官警增至一百六十五名十九年官警增至一百八十八名計中隊長一員分隊長二員消防兼衛生隊長一員分局長三員局員三員分所長七員馬巡長八名步警長七名馬警八十七名步警七十一名夫役四名

警區界劃

第一區當縣境東南包有縣治在內東界二區南界明水西界林甸北界三區長六十五里寬六十里全區面積三千九百方里公安局暨分局均在城裏

第二區當縣境東偏東界拜泉南界明水西界一三兩區北界克山全區面積四千五百方里寬四十五里長一百里公安局在雙陽鎮距縣城三十五里

第三區當縣境西北東界二區南界一區西界富裕北界克山全區面積三千六百方里寬六十里長六十里公安局在三興鎮距縣城六十里

配駐區域暨警額

公安局駐縣城西門裏南二道街騎兵中隊隊部及騎兵中隊第一分隊消防兼衛生隊並步警三十名均住公安局內此外騎兵中隊第二分隊並步警二十名分住縣府及監獄共計官兵一百零四名

第一區分局駐縣城西門裏所屬東門裏第一分所北門裏第二分所南門裏第三分所共計官兵三十八員名

第二區分局駐雙陽鎮所屬寶泉鎮一分所距雙陽鎮四十里焦家窩一分所距雙陽鎮三十里共計官兵三十二員名

第三區分局駐三興鎮所屬依字五甲一井一分所(即高家燒鍋)距三興鎮四十里
興鎮二十里共計官兵三十一員名

冬防隊

冬防隊自民國十六年奉 令添編以備冬防吃緊專任勤務事宜計官兵五十名設隊長一員隊副二員
鞍馬自備每年以冬季五個月為限限滿遣散月支薪餉大洋八百五十二元由警備項下開支不另
籌款

保衛團

保衛團全縣原分為四團第一團常駐丁三十人駐縣城第二團常駐丁三十人駐雙陽鎮第三團常駐丁
二十八人駐三興鎮第四團常駐丁四十八人駐泰安鎮每團設總團總一人保董一人甲長六人縣城設
團總辦公處總團總一人負指揮及調遣之責所需經費由地方民戶分攤不造預算民國十七年秋前設
治員任國英將保衛團改組裁撤總團辦公處四鄉成立散在保每團團丁三十人有事則聚無事則散十
八年秋泰安鎮奉 令劃歸克山全縣僅有保衛團三團十九年春奉 令解散常駐丁全縣成立散在保
十六保每保設保董一人甲長一人城內設保衛團辦公處樂南總一人共計散在丁二百一十九人榆馬
白備團丁所需火食均由各井民戶分攤其駐防地點第一保駐八里海子第二保駐雙陽鎮第三保駐南
關長窩棚第四保駐焦家店第五保駐劉貴屯第六保駐郁月樵窩棚第七保駐寶泉鎮第八保駐高百川
屯第九保駐烏魚屯第十保駐劉國忠屯第十一保駐三合堂屯第十二保駐三興鎮第十三保駐十二馬
架第十四保駐四馬架第十五保駐半拉碾子第十六保駐龍安堡

附載

民國初年依安原名龍泉鎮歸林甸縣管轄地處拜泉林甸龍江三縣邊界俗呼爲三不管地面遼闊爲盜賊出沒之區十三年匪首分江率領黨羽七八十名盤踞境內到處搶掠民不聊生嗣經軍隊痛剿匪首分江被獲地面漸告安靖

民國十七年夏匪首飛龍青山等率同黨羽三四十名在縣境西南城溝一帶盤踞時出沒掠奪被警中擊出境外蹂躪未久而爲患尙淺民國十八年秋季匪首草上飛明好等率領匪黨三四十人時值中俄戰起乘隙蠢動在豐林屯三合屯一帶殺人擄票騷擾不堪旋被軍警會剿擊散地面始臻寧靖

人物

忠義

杜排長文林字子彬年二十六歲原籍遼陽遷居本城南街遼陽高等小學畢業歷充上中士等至民國十二年升充陸軍十七旅十四團二營八連排長十八年秋中俄戰起隨軍出發札蘭諾爾之役與赤俄血戰三晝夜身受彈傷數處尙復奮勇殺敵寧死不退卒至彈盡援絕而沒其忠勇誠有可風者惟既無恆產又無子嗣拋有老母寡妻及弟妹二人身後蕭條至堪憐憫經東北邊防軍駐江副司令官 萬德俊建議爲遺族賴以生存

李奎武年二十六歲依安人充冬防隊班長在雙陽鎮勦匪陣亡王景才年三十歲遼寧昌圖縣人周香九年三十八歲依安縣人均充冬防隊士兵在青星崗勦匪陣亡以上三人每遇出發歸匪奮不顧身致雙陽鎮吉星崗兩次勦匪爲匪所算其忠肝義胆雖死猶榮業經呈請

省政府從優給卹

鄉耆

徐金祿年一百零七歲生於道光四年四月念五日木匠手藝原籍河北樂亭縣經其先世祖由樂亭遷至遼寧中後所父錦母胡氏生金祿姊妹三人金祿年三十娶妻蔣氏小金祿十五歲生子三長子發年六十五歲次子福年六十一歲三子生年五十九歲女一適趙氏男孫九女孫四重孫子女各二光緒三十一年由中後所遷至江省拜泉縣三子分居夫妻二人乃與長子發同居民國七年又自拜泉遷至依安十四年蔣氏亡去時八十六歲長子發業石匠妻早卒生子海樓現年三十七歲習乃祖業妻宮氏生子二年尙幼發與海樓出外工作賴孫媳宮氏晨夕奉養金祿天性質樸諷言語務勤儉疾病未嘗服藥少時嘗負米百里外奉養雙親而甘旨不缺鄉里以孝稱嘗聞相士云如年過九十六歲壽算不可是十八年夏患泄痢垂危隣人往視有餽羹肉者當時頓餐斤許越日而病霍然咸爲醫異現時年雖過百扶杖尙能上街不知者幾疑爲六七十歲人

寺墓

祠宇

依安文廟武廟雖留有公地尙未建修專祠城內西北大街有關岳廟一處係僧人募款建築草房三間中奉關岳塑像春秋戊祭關岳合祀於此至丁祭則臨時借用縣立高小學校講室舉行雙陽寶泉各鎮各有關岳廟一處

公墓

依安公業於十八年八月經縣令飭公安局農會擇定南門外空場一處計地三百丈方作為公墓

風俗

依安新荒初闢民戶多由異地遷來五方雜處風俗習慣各有不同然習染江省之風俗則屬一致茲紀大略於左

婚姻

男女婚嫁之遲早視其家境之貧富而定富者婚嫁恒早貧者較晚其結婚手續多屬舊式文明結婚者居最少數訂婚則由父母之命媒妁之言男女兩家互相相看俗呼為相姑爺相女俗呼為相媳婦相女時男家須備賞品或錢名曰相禮相男時女家即不給賞品亦給銀錢此外尚有過小禮過大禮之別婚事定妥後男家備布疋猪酒或銀錢先行聘禮一次俗名曰過小禮迎娶以前仍行聘禮一次俗名曰過大禮至結婚日期男家備彩轎或彩輿至女家親迎新婦用紅布覆面親族抱至轎內下轎時須人攙扶院中設方棹置斗於上備有香燭酒禮將新婦接立棹右新郎當棹前向南跪拜名曰拜天地現多改行鞠躬禮禮畢後新人入室坐炕上俗名曰坐福晚飯時男家備酒席一棹請新郎與新婦同宴俗呼為吃獨棹及送親者歸去新婦理髮更衣下炕徧見家人及男女賓客三日上前焚香化紙行跪拜禮以當廟見七日新郎携新婦往女家名曰回門回教婚嫁與漢人無差異所差者主婚由阿洪與天主教主婚必由神父者相同回教人呼阿洪

為老訂婚之初男家同媒妁請女家借阿洪一言以訂婚盟亦有過小禮過大禮之習儀然送娶不拜月日支干娶時男女兩家家長同媒妁分左右坐阿洪居中新郎新婦並跪阿洪徧書其名並誦經一通誦畢以喜菓饗新郎新婦叩謝新郎新婦入室坐炕面壁亦謂之坐福

喪葬

初喪時主喪者站橙上手執長木捧向南指而大呼曰某親奔西南大路如是者三名曰指冥路既而哭泣遂即成服服白布長衫戴白孝帽拄哀杖坐苦草朝夕在靈幃中楹前供米飯一盂名曰餽頭飯飯上插箭幹三支幹端縛新綿名曰打狗捧主喪者日三次赴土地祠或城隍廟一人捧瓢盛水引孝眷至廟中焚化紙錢並添菜水越日成殮殮服之美惡棺木之好劣悉以貧富爲差等停柩室外上搭游櫓三日焚紙紮於廟名曰送行謂亡人魂靈由此而行也七日主喪者於鷄鳴前率家人焚香紙哭於烟筒下謂亡人魂靈上望鄉台而望家鄉也每逢七日皆焚香楮冥鏹等類至七七爲止蓋取七日來復之義葬無定期或三日或七日或三月五月亦有惑於風水之說數年不葬者葬期發引有官職者棺罩用龍頭鳳尾式俱以白布爲綿長于執靈幡前導衆子孫以綿挽柩親友均送至墓前壙中燃燈謂之萬年燈至墓壙有用木槨者有磚砌壙者至於守禮之家行家祭成主者甚少至三七五七均上坟致祭每年忌辰日謂之週年三載謂之三週年此間過週年之習慣與內地迥異內地過週年不過僅行家祭親友來者甚少此間過週年計告親友備有鼓樂紙紮酒席搭棚待客與葬時相差不多但此等習慣亦惟資產豐富者始能舉辦回民喪事無服制無供祭無紙紮無焚化紙箔各儀式初喪時炷香靈前以布覆亡人之面請阿洪誦經葬時將尸身用水洗刷男尸用男人洗之女尸用女人洗之洗畢薰香搽料團粳米飯塞耳鼻諸般以白布纏尸全體覆以經匣俗名括三日即殮屆期親友咸來弔祭發引阿洪前引導臨壙乃啟經匣底一人立壙中一人立壙外移尸於壙首北足南覆板加蔴菜土成坟作長方形亡人入壙時孝眷舉哀覆土哀止阿洪誦經主喪者跪經前此回民喪禮之大略也

居處

依安全境多係土房上覆苫草四面圍以土坯有力之家四面圍以土牆四角築有砲台俗呼響窖所以禦匪患也近來街市之間間有用磚瓦修蓋者惟仍屬少數耳

衣食

依安民風敦樸其居住既已如上述至其衣食尤不甚講究一般平民所食者以包米小米高糧米爲大宗蔬類則以白菜土豆蘿蔔爲普通大米白麵雖屬當見然非中產以上之戶不常食也男女衣服以棉織品爲多數其裝束與內地各省不相懸殊惟婦人則習穿旗袍比較內地略異

物產

小麥解凍時卽下種至立秋以後方熟豐收時每畝約可收六七石每斗合四十斤每斗可磨麵粉三十斤之譜其種類有大麥洋麥無芒麥三種

黃豆穀兩後播種秋前後成熟用以榨油造醬製豆腐渣名爲豆餅飼畜糞田均可依屬因燃料缺乏多有以此爲爐火燃料者豐收時每畝約可得四五石與小麥同爲出產之大宗

玉蜀黍俗名包米立夏後下種白露後成熟豐收時每畝約可得六七石

高糧立夏後下種秋分前後成熟豐收時每畝約可得六七石玉蜀黍同爲民戶食品之大宗

小米通稱穀子立夏後下種秋分前後成熟豐收時每畝約可得六七石亦爲大宗出產穀草爲飼畜之用

大麥鈴鑿麥蒸麥黍小豆綠豆蕪蕪等亦均有之然非大宗出產線麻除打繩外其子尙可榨油油渣名

曰麻種用爲爐火燃料

白菜圓白菜

俗呼為大
頭白菜

蘿藦韭菜芹菜等類無不俱備馬鈴薯

俗名土
豆子

亦為常食之品民戶均種之

瓜菓除西瓜王瓜甜瓜西葫蘆外別無其他瓜菓

菸草藍靛蘆葦草葦蒲棒蒿草

又名蒿
房草

亦均有之

樹木除楊柳榆三種外並無他種樹木然此種樹木亦為近來屯鎮間栽種者

家畜之類禽屬鴉鵝鴨鵪鶉屬馬牛羊驢騾狗猪貓無不俱備野禽如鶻鴉鴉鴉鴉鴉鴉野獸如狐獾麝狼

貉兔黃羊亦屬常見但非大宗產物

魚類僅雙陽島裕甯兩河流產有鯽魚之屬其他魚類所產極少